

আদর্শ হিন্দু-হোটেল

(উপন্যাস)

বিভূতিভূষণ বন্দ্যোপাধ্যায়

B2296

S C F - Kolkata

মিত্র ও ঘোষ

১০, শ্যামাচরণ দে স্ট্রীট, কলিকাতা-১২

তৃতীয় সংস্করণ
—চার টাকা—

২১৯৮

STATE CENTRAL LIBRARY

WILSON ROAD

CALCUTTA

৪-১২-৫৯

মিষ্ট ও ঘোষ, ১০ শ্যামাচরণ দে স্ট্রীট কলিকাতা-১২ হইতে শ্রীগজেন্দ্রকুমার
মিষ্ট কতৃক প্রকাশিত ও লোক-সেবক প্রেস, ৮৬-এ, লোয়ার সার্কুলার রোড,
কলিকাতা-১৪ হইতে শ্রীসদ্বল্লভ চট্টোপাধ্যায় কতৃক মদ্রিত।

ଓ଼ମର୍ଗ

କଲ୍ୟାଣୀୟ

ଶ୍ରୀମାନ ନଟଟବିହାରୀ ବନ୍ଦ୍ୟାପାଧ୍ୟାୟକେ

এই লেখকের বই-

পথের পাঁচালী

অপরাজিত

কিন্নরদল

জন্ম ও মৃত্যু

আরণ্যক

যাত্রাবদল

বিচিত্র জগৎ

দৃষ্টিপ্রদীপ

মেঘমল্লার

স্মৃতির রেখা

বিপিনের সংসার

অনুবর্তন

নবাগত

তৃণাকুর

আচার্য কৃপালনীর কলোনী

ইছামতী

দেবযান

বনে পাহাড়ে

উর্মিমুখর

অভিযাত্রিক

বেণীগির ফুলবাড়ী

দুই বাড়ী

বিধু মাণ্টার

কেদার রাজা

অসাধারণ

ক্ষণভংগুর

উৎকর্ণ

উপলব্ধ

কুশল পাহাড়ী

চাঁদের পাহাড়

মরণের ডঙ্কা বাজে

আম আঁটির ভেপু

ছোটদের পথের পাঁচালী

হোটেল রেল-বাজারে বেচু চক্কত্তির হোটেল যে রাণাঘাটের আদি ও
 প্রাক্তিম হিন্দু-হোটেল এ-কথা হোটেলের সামনে বড় বড় অক্ষরে লেখা না
 থাকিলেও অনেকেই জানে। কয়েক বছরের মধ্যে রাণাঘাট রেল-বাজারের
 সম্ভব রকমের উন্নতি হওয়ার সঙ্গে সঙ্গে হোটেলটির অবস্থা ফিরিয়া
 আসিয়া আজ দশ বৎসরের মধ্যে হোটেলের পাকা বাড়ী হইয়াছে, চারজন
 বন্দু-বামনে রাখা করিতে করিতে হিম্‌সিম্‌ খাইয়া যায়, এমন খন্দের

বেচু চক্কত্তি (বয়স পঞ্চাশের ওপর, না-ফর্সা না-কালো দোহারা চেহারা,
 কাঁচা-পাকা চুল) হোটেলের সামনের ঘরে একটা তক্তাপোশে কাঠের
 আলোর ওপর কনুয়ের ভর দিয়া বসিয়া আছে। বেলা দশটা। বনগাঁ
 র ট্রেন এইমাত্র আসিয়া দাঁড়াইয়াছে। কিছু কিছু প্যাসেঞ্জার বাহিরের
 দিয়া রাস্তায় পড়িতে সুরু হইয়াছে।

বেচু চক্কত্তির হোটেলের চাকর মতি রাস্তার ধারে দাঁড়াইয়া হাঁকিতেছে
 দিকে আসুন বাবু, গরম ভাত তৈরি, মাছের ঝোল, ডাল তরকারী
 —হিন্দু-হোটেল বাবু—

দুইজন লোক বস্তুতায় ভুলিয়া পাশের যদু বাঁড়ুঘ্যের হোটেলের
 কর সাদর আমন্ত্রণ উপেক্ষা করিয়া বেচু চক্কত্তির হোটেলেই ঢুকিল।

—এই যে, বোঁচকা এখানে রাখুন। দাঁড়ান বাবু, টিকিট নিতে হবে
 —কোন ক্লাসে থাকেন? ফাস্ট ক্লাস না সেকেন্‌ ক্লাস—ফাস্ট ক্লাসে
 আনন্ট, সেকেন্‌ ক্লাসে তিন আনা—

এ হোটেলের নিয়ম, পয়সা দিয়া বেচু চক্কত্তির নিকট হইতে টিকিট
 টুকরা সাদা কাগজে—নম্বর ও শ্রেণী লেখা) কিনিয়া ভিতরে যাইতে

হইবে। সেখানে একজন রসদুয়ে-বামদুন বসিয়া আছে, খন্দের লই। তাহাকে নির্দিষ্ট স্থানে বসাইয়া দিবার জন্যে। খাইবার দরমার বেড়া দিয়া দাই ভাগ করা। এক দিকে ফাষ্ট ক্লাস, অন্য সেকেন্ড ক্লাস। খন্দের খাইয়া চলিয়া গেলে এই সব টিকিট বেচু কাছে জমা দেওয়া হইবে—সেগদুলি দেখিয়া তহবিল মিলানো ও উৎসাহিত করণীর পরিমাণ তদারক হইবে। রসদুয়ে-বামদুনেরা চুরি করিতে না পা চাকর ভিতরে আসিয়া বলিল—মোট চারজন লোক খন্দের। দ ওদের ওখানে গেল।

বেচু চক্ৰান্ত বলিল—যাক্ গে। তুই আর একটু এগিয়ে যা শান্তিপুত্র আসবার সময় হ'ল। এই গাড়ীতে দু-পাঁচটা খন্দের থাকে। আর ভেতরে বামনকে বলে আয়, শান্তিপুত্র আসবার আগে যেন মার না চড়ায়। এক ডেক্‌চিতে এখন চলুক।

এমন সময় হোটেলের বি পক্ষ ঘরে ঢুকিয়া বলিল—পয়সা দেও ব দই নে আসি।

বেচু বলিল—দই কি হবে?

পক্ষ হাসিয়া বলিল—একজন ফাস্টো কেলাসে থাকে। আমরা পাঠিয়েছে। দই চাই, পাকা কলা চাই—

বেচু বলিল—কে বলতো? খন্দের:

—খন্দের তো বটেই। পয়সা দিয়ে থাকে। এমনি ন ভ ভাইপো আসবে দেশ থেকে এই শান্তিপুত্রের গাড়ীতে।

—না—না—তাকে পয়সা দিতে হবে না। সে ছেলেমানুষ, দুই দিনের জন্যে আসবে—তার কাছ থেকে পয়সা কিসের? দইয়ের পয়সা দি যা—

বেচু একথা কখনো কাহাকেও বলে না, কিন্তু পক্ষ ঝিয়ের অন্য কথা। পক্ষ বি এ হোটেলে যা বলে, তাই হয়। তাহার উপস্থিতি বলিবার কেহ নাই। সেজন্য দুই লোকে নানারকম মন্দ কথা বলে। দুই সেরে-সব কথা কান দিতে গেলে চলে না।

শান্তিপুত্রের গাড়ী আসিবার শব্দ পাওয়া গেল।

হোটেলের চাকর খন্দের আনিতে গেষ্টেনে যাইতেছিল, বেচু চক্ৰবর্তী
বিলল—খন্দের বেশী ক’রে আনতে না, পারলে আর তোমায় রাখা হবে না
ক’রে রেখে—আমার খরচ না পোষালে মিথ্যে চাকর রাখতে যাই কেন? গেল
ইন্ডিতে তুমি মোটে তেইশটা খন্দের এনেছ—তাতে হোটেল চলে?

পদ্ম ঝি বলিল—তোমায় পই-পই ক’রে বলে হার মেনে গেলাম; তিন
আনা বাড়িয়ে চোন্দ পয়সা করো, আর ফাণ্টো কেলাস-টেলাস তুলে দ্যাও।
ক’টা খন্দের হয় ফাণ্টো কেলাসে? যদি বাড়িয়ে হোটলে রেট কমিয়েছে
শুনেন—

বেচু বলিল—চুপ চুপ, একটু আস্তে আস্তে বল না। কারও কানে
ক’টা কথা গেলে এখনি—

এমন সময় ছ’জন খন্দের সঙ্গে করিয়া মতি চাকর ফিরিয়া আসিল।
বেচু বলিল—আসুন বাবু, পুটুলি এখানে রাখুন। কোন কেলাসে
রাখবেন বাবুরা? পাঁচ আনা আর তিন আনা—

একজন বলিল—তোমার সেই বাবুন ঠাকুরটি আছে তো? তার হাতের
রাশি খেতেই এলাম। আমরা সে-বার খেয়ে গিয়ে আর ভুলতে পারি নে।
যাচ্ছে হবে?

—না বাবু, মাংস তো রাশি নেই—তবে যদি অর্ডার দেন তো ওবেলা—
লোকটি বলিল—আমরা মোকদ্দমা করতে এসেছি কিনা, যদি জিতি
পাড়ামা আর সিম্পলবরীর ইচ্ছে—তবে হোটলে আমাদের আজ থাকতেই
হবে। কাল উকীলের বাড়ী কাজ আছে—তা হ’লে আজ ওবেলা তিন সের
মাংস চাই—কিন্তু সেই বাবুন ঠাকুরকে দিয়ে রাশি করানো চাই। নইলে আমরা
হাসি-খায়গায় যাব।

ইহারা টিকিট কিনিয়া খাইবার ঘরে ঢুকিলে পদ্ম ঝি বলিল—
জ্বরমতো মিন্‌সে আবার শুনতে না পার। কি যে গুর রাস্তার সূখ্যাত
র লোকে, তা বলতে পারি নে—কি এমন মরণ রাস্তার!

বেচু বলিল—টিকিটগুলো নিয়ে আস তো ভেতর থেকে। এ-বেলায়

সেইসেবটা মিটিয়ে রাখি। আর এখন তো গাড়ী নেই—আবার সেই একটা মদুগাছা লোকাল—

পশ্ম বলিল—কেন আসাম মেল—

—আসাম মেলে আর তেমন খন্দের আসছে কই? আগে আগে আসাম মেলে আটটা-দশটা খন্দের ফি-দিন পাওয়া যেত—কি যে হয়েছে বাজারের অবস্থা—

পশ্ম বি ভিতরে গিয়া রসদয়ে-বাম্বনের নিকট হইতে টিকিট আনিব বলিল—শোনো মজা, ফাণ্টো কেলাসের ডাল যা ছিল, সব সাবাড়। হাজারি ঠাকুরের কাণ্ড! ইদিকে এই খন্দের বাবুদরা গিয়ে তাকে একেবারে স্বগ্গে তুলে দিচ্ছে, তুমি হেনো রাঁধো, তুমি তেনো রাঁধো বলে—যত অনাচারি কাণ্ড, যা দেখতে পারি নে তাই। এখন ডালের কি করবে বলো—

—ডাল কতটা আছে দেখলি?

—লবডংকা। আর মেরে-কেটে তিন জনের মত হবে—

—ক'জনের মত ডাল দিইছিলি?

—দশ জনের মত মদুগের ডাল আলাদা ফাণ্টো কেলাসের মদুড়িষ্টে জ্বল্যে দিইছি—সেকেন্ কেলাসে ত্রিশ জনের মদুদুরি-খেসারি মিশেল ডাল—

—হাজারি ঠাকুরকে ডেকে দে—

পশ্ম বি হাজারি ঠাকুরকে সগে করিয়াই আনিল।

লোকটার বয়স পয়তাল্লিশ-ছ'চল্লিশ, একহারা চেহারা, রং কালো দেখিলে মনে হয় লোকটা নিপাট ভালমানুষ।

বেচু চক্ৰান্তি বলিল—হাজারি ঠাকুর, ডাল কম হ'ল কি ক'রে?

হাজারি ঠাকুর বলিল—তা কি ক'রে বলবো বাবু? রোজ যেমন ডাল খন্দেরদের দিই, তার বেশী তো দিই নি। কম হ'লে আমি কি করবো বলুন।

পশ্ম বি ঝৎকার দিয়া বলিল—তোমার হাড়ে হাড়ে বদমাইসি ঠাকুর। আমি পস্ট দেখেছি তুমি ওই খন্দের বাবুদের মদুখে রান্নার স্দুখ্যাত শূনে তাদের পাতে উড়কি উড়কি মদুড়িষ্ট ঢালছো। পরসাকড়িও দিয়েছে

বোধ হয় বকশিশ্—

হাজারি বলিল—বকশিশ এ হোটেলে কত পাই দেখাছো তো পশ্ম-
দিদি। একটা বিড়ি খেতে কেউ দ্যায়—আজ পাঁচ বছর এখানে আছি?
তুমি কেবল বকশিশ পেতে দ্যাখো আমাকে।

পশ্ম বলিল—তুমি মদখে-মদখে তক্কো করো না বলে দিচ্ছি। পশ্ম ঝি
কাউকে ভয় ক'রে কথা বলবার মেয়ে নয়। ফাণ্টো কেলাসের বাবুৱা পুজোর
সময় তোমায় গেঞ্জি কিনে দেয় নি?

—ইস্—ভারি গেঞ্জি একটা—কিনে দিয়েছিল বদি, পদুনো গেঞ্জি—

বেচু চক্ৰান্তি বলিল—যাও যাও, ঠাকুর, বাজে কথা নিয়ে বকো না।

বেশী খন্দের আসে, ডালের দাম তোমার মাইনে থেকে কাটা যাবে—

—কেন বাবু, আমার কি দোষ হ'ল এতে। পশ্মদিদি আট জনের ডাল

মেপে দিয়েছে, তাতে খেয়েছে এগারো জন—

পশ্ম এবার হাজারি ঠাকুরের সামনে আসিয়া হাত-মুখ নাড়িয়া
চোখ পাকাইয়া বলিল, অট জনের ডাল মেপে দিইছি—নছার, বদমাইস,
গাঁজাখোর কেঁথাকার—দশ জনের দশ ছটাক আড়াই পোৱা ডাল তোমায়
দিই নি বের ক'রে?

হাজারি ঠাকুর আর প্রতিবাদ করিতে বোধ হয় সাহস পাইল না।

পশ্ম ঝি অত অম্পে বোধ হয় ছাড়িত না—কিন্তু ইতিমধ্যে খন্দেররা
আসিয়া পড়াতে সে কথা বন্ধ করিয়া চলিয়া গেল। হাজারি ঠাকুরও ভিতরে
গেল।

বেলা প্রায় আড়াইটা।

আসাম মেল অনেকক্ষণ আসিয়া চলিয়া গিয়াছে।

হাজারি ঠাকুর একা খাওয়ার ঘরে খাইতে বসিল। বড় ডেক্‌চিতে
দুটিখানি মাত্র ভাত ও কড়ায় একটুখানি ঘাঁটা তরকারি পড়িয়া আছে।
ডাল, মাছ যাহা ছিল, পশ্ম ঝিকে তাহার বড় থালায় বাড়িয়া দিতে হইয়াছে
—সে রোজ বেলা দেড়টার সময় রান্নাঘরের উদ্ভূত ডাল তরকারি মাছ নিজের

অন্য রসদয়ে-বামনটা উড়িয়া। তার নাম রতন ঠাকুর। সে হোটেলে বসিয়া খায় না—তাহারও বাসা নিকটে। সেও ভাত-তরকারি লইয়া যায়।

হাজারির এখানে কেহ নাই। সে হোটেলেরি থাকে, হোটেলেরি খায়। রোজই তার ভাগ্যে এই রকম। বেলা আড়াইটা পর্যন্ত খালি-পেটে খাটিয়া দুটি কড়কড়ে ভাত, কোনোদিন সামান্য একটু ডাল, কোনোদিন তাও না—ইহাই তাহার বরাদ্দ। ডেক্‌চিতে বেশী ভাত থাকিলে পশ্ম ঝি বলিবে—অত ভাত খাবে কে? ও তো তিনজনের খোরাক—আমার থালায় আর দুটো বেশী করে ভাত বেড়ে দিও।

হাজারি ঠাকুর খাইতে বসিয়া রোজ ভাবে—আর দুটো ভাত থাকলে ভাল হোত, না-হয় তেঁতুল দিয়ে খেতাম। পশ্মটা কি সোজা বদমাইস্‌ মাগী—পেট ভরে' য়ে কেউ খায়—তাও তার সহ্য হয় না। যদু বাঁড়ুয়োর হোটেলে বেলা এগারোটার সময় রাধুনি-বামন এক থালা ভাত খেয়ে নেয়, আমাদের এখানে তা হবার জো আছে? বাব্বাঃ, যেমন কর্তা, তেমনি গিমি—(পশ্ম ঝিকে মনে মনে গিমি বলিয়া হাজারি ঠাকুর খুব আমোদ উপভোগ করিল—মুখ ফুটিয়া যাহা বলা যায় না, মনে মনে তাহা বলিয়াও সুখ।)

খাওয়ার পরে মাত্র আড়াই ঘণ্টা ছুটি।

আবার ঠিক বেলা পাঁচটায় উনুনে ডেক্‌চি চাপাইতে হইবে।

রতন ঠাকুর এই সময়টা বাসায় গিয়া ঘুমায়, কিন্তু হাজারি ঠাকুর চূর্ণী নদীর ধারের ঠাকুরবাড়ীতে, কিংবা রাধাবল্লভ তলায় নাটমন্দিরে একা বসিয়া কাটায়।

না ঘুমাইয়া একা বসিয়া কাটাইবার মানে আছে।

হাজারি ঠাকুরের এই সময়টা হইতেছে ভাবিবার সময়। এ সময় ছাড়া আর নিজনে ভাবিবার অবসর পাওয়া যায় না। সন্ধ্যা সাতটা পর্যন্ত রান্নার কাজে ব্যস্ত থাকিতে হয়, রাত এগারটা পর্যন্ত খন্দেরদের পরিবেশন, রাত বারোটা পর্যন্ত নিজেদের খাওয়া-দাওয়া, তার পর কর্তার কাছে চাল-

চল্লার হিসাব মিটানো। রাত একটার এদিকে শুইবার অবসর পাওয়া যায়
দু-দু-দু বসিয়া ভাবিবার সময় কই?

চুণী নদীর ধারের জায়গাটি বেশ ভাল লাগে।

ও-পারে শান্তিপূর যাইবার কাঁচা সড়ক। থেয়া নৌকায় লোকজন
সুরাপার হইতেছে। গ্রামের বাঁশবন, শিমূল গাছ, মাঠ, কলাই ক্ষেত, গাব-
ভরেণ্ডার বেড়া-ঘেরা গৃহস্থ-বাড়ী।

হাজারি ঠাকুর একটা বিড়ি ধরাইয়া ভাবিতে আরম্ভ করে।

আজ পাঁচ বছর হইয়া গেল বেচু চক্রান্তর হোটোলে।

প্রথম যেদিন রাণাঘাট আসিয়া হোটোলে ঢোকে, সে-কথা আজও মনে
হয়। গাংনাপুর হইতে রাণাঘাট আসিয়া সে প্রথমেই গেল বেচু চক্রান্তর
হোটোলে কাজের সন্ধানে।

কর্তা সামনেই বসিয়াছিলেন। বলিলেন—কি চাই?

হাজারি বলিল—আজ্ঞে বাবু, রসুয়ে-বামুনের কাজ করি। কাজের
চেষ্টায় ঘুরছি, বাবুর হোটোলে কাজ আছে?

—তোমার নাম কি?

—আজ্ঞে, হাজারি দেবশর্মা, উপাধি চক্রবর্তী।

এইভাবে নাম বলিতে হাজারির পিতাঠাকুর তাকে শিখাইয়া
দিয়াছিলেন।

—বাড়ী কোথায়?

—গাংনাপুর ইন্টিশানে নেমে যেতে হয় এড়োশোলা গ্রামে।

—রাঁধতে জানানো?

—বাবু, একদিন রাঁধিয়ে দেখুন। মাংস মাছ, যা দেবেন সব পারবো।

—আচ্ছা, তিনদিন এমনি রাঁধতে হবে—তারপর সাত টাকা মাইনে
দেবো আর খেতে পাবে। রাজি থাকো আজই কাজে লেগে যাও!

সেই হইতে আজ পর্যন্ত সাত টাকার এক পয়সা মাহিনা বাড়ে নাই।

অথচ খন্দের বাবুদ্রা সকলেই তাহার রান্নার সূখ্যাতি করে, যদিচ পশ্চিম ঝিরের
মুখে একটা সূখ্যাতির কথাও সে কখনো শোনে নাই, ভালো কথা তো দূরের

মুখে একটা সুখ্যাতির কথাও সে কখনো শোনে নাই, ভালো কথা তো দূরের কথা, পশ্ম কি তাহাকে আঁশবাঁটি পাতিয়া পারে তো কোটে। গরীব লোক, এ বাজারে চাকুরী ছাড়িয়া দিয়া যাইবেই বা কোথায়? যাক্, তাহার জন্য সে তত ভাবে না। তাহার মনে একটা বড় আশা আছে, ভগবান তাহা যদি পূর্ণ করেন কোনোদিন—তবে তাহার সকল খেদ দূর হইয়া যায়।

হোটেলের কাজ সে খুব ভাল শিখিয়া লইয়াছে।

সে নিজে একটা হোটেল খুলিবে।

হোটেলের বাহিরে লেখা থাকিবে—

হাজারি চক্রবর্তীর হিন্দু-হোটেল

রাগাঘাট

ভদ্রলোকদের সস্তায় আহার ও বিপ্রামের স্থান।

আসুন! দেখুন!! পরীক্ষা করুন!!!

কর্তার মত তাকিয়া ঠেস্ দিয়া বসিয়া টিকিট বিক্রয় করিবে। রাধুনী-বামুন ও ঝি 'বাবু' বলিয়া ডাকিবে। সে নিজে বাজারে গিয়া মাছ তরকারী কিনিয়া আনিবে, এ হোটেলের মত ঝিয়ের উপর সব ভার ফেলিয়া দিয়া রাখিবে না। খন্দেরদের ভাল জিনিস খাওয়াইয়া খুশী করিয়া পয়সা লইবে। সে এই কয় বছরে বড়িয়া দেখিল, লোকে ভাল জিনিস, ভাল রান্না খাইতে পাইলে দূ-পয়সা বেশী রেট্ দিতেও আপত্তি করে না।

এ হোটেলের মত জুয়াচুরি সে করিবে না, মদ্যুর্দি ডালের সংগে কম দামের খেসারি ডাল চলাইবে না, বাজারের কানা পোকাধরা বেগুন, রেল-চালানি বরফ-দেওয়া সস্তা মাছ বাছিয়া বাছিয়া হোটেলের জন্য কিনিবে না।

এখানে খন্দেরদের বিপ্রামের বন্দোবস্ত নাই—যাহারা নিতান্ত বিপ্রাম করিতে চায়, কর্তার গদিতে বসিয়া এক-আধটা বিড়ি খায়—কিন্তু তাহার মনে হয়, বিপ্রামের ভাল ব্যবস্থা থাকিলে সে-হোটলে লোক বেশী আসিবে—অনেকেই খাওয়ার পরে একটু গড়াইয়া লইতে চায়, সে তাহার হোটলে একটা আলাদা ঘর রাখিবে খুচরা খন্দেরের বিপ্রামের জন্য। সেখানে তন্তাপোশের ওপর সতরাণ্ড ও চাদর পাতা থাকিবে, বালিস্ থাকিবে, তামাক খাইবার

বন্দোবস্ত থাকিবে, কেউ একটু ঘুমাইয়া লইতে চাহিলেও অনায়াসে পারিবে। খাও-দাও, বিশ্রাম কর, তামাক খাও, চলিয়া যাও। রাণাঘাটের কোনো হোটেলে এমন ব্যবস্থা নাই, যদি বাঁড়ুঘের হোটেলেও না। ব্যবসা ভাল করিয়া চালাইতে হইলে এ-সব ব্যবস্থা দরকার, নইলে রেলগাড়ীর সময়ে ইন্টিশানে গিয়া শুধু ‘আসুন বাবু, ভাল হিন্দু-হোটেল’, বলিয়া চেঁচাইলে কি আর খন্দের আসে?

খন্দেররা খোঁজে আরামে ভাল খাওয়া। যে দিতে পারিবে, তাহার ওখানেই লোক ঝুঁকিবে।

অবশ্য ইহা সে বোঝে, অজ যদি একটা হোটেলে বিশ্রামের ঘর করে, তবে দেখিতে দেখিতে কালই রাণাঘাটের বাজারময় সব হিন্দু-হোটেলেই দেখাদেখি বিশ্রামের ঘর খুলিয়া বসিবে—যদি তাহাতে খন্দের টানা যায়।

তবুও একবার নাম বাহির করিতে পারিলে, প্রথম যে নাম বাহির করে তাহারই সুবিধা। আরও কত মতলব হাজারির মাথায় আছে, শুধু খন্দেরদের বিশ্রাম-ঘর কেন। মোকদ্দমা-মামলা যাহারা করিতে আসে, তাহারা সারাদিনের খাটুনির পরে হয়তো খাইয়া-দাইয়া একটু তাস খেলিতে চায়—সে ব্যবস্থা থাকিবে, পান-তামাকের দাম দিতে হইবে না, নিজেরাই সাজিয়া খাও বা হোটেলের চাকরেই সাজিয়া দিক্।

চুণী নদীর ধারে বসিয়া একা ভাবিলে এমন সব কত নতুন নতুন মতলব তাহার মনে আসে। কিন্তু কখনও কি তাহা ঘটিবে? তাহার মনের আশা পূর্ণ হইবে? বয়স তো হইয়া গেল ছ’চল্লিশের উপর—সারাজীবন কিছ্র করিতে পারে নাই, সাত টাকা মাহিনার চাকুরী আজও ঘুচিল না—ছা-পোষা গরীব লোক, কি করিয়া কি হইবে, তাহা সে ভাবিয়া পায় না।

তবু সে কেন ভাবে রোজ এ-সব কথা, এই চুণী নদীর ধারে বসিয়া? ভাবিতে বেশ লাগে, তাই ভাবে।

তবে বয়স হইয়াছে বলিয়া দমিবার পাত্র সে নয়। ছ’চল্লিশ বছর এমন কিছ্র বয়স নয়। এখনও সে অনেকদিন বাঁচিবে। কাজে উৎসাহ তাহার আছে, একটা হোটেল খুলিতে পারিলে সে দেখাইয়া দিবে কি করিয়া

সুন্দাম করিতে পারা যায়। হোটেল খুলিয়া মরিয়া গেলেও তাহার দঃখ নাই।

সময় হইয়া গেল।

আর বেশীক্ষণ বসিয়া থাকা চলিবে না। পশ্ম বি এতক্ষণ উন্মুখে আঁচ দিয়াছে, দেরী করিয়া গেলে তাহার মূখনাড়া খাইতে হইবে। আর কি লাগানি-ভাঙানি! কতঁর কাছে লাগাইয়াছে সে নাকি গাঁজা খায়—অথচ সে গাঁজা ছোঁয় না কস্মিন্ কালে।

ফিরিবার পথে ছোট বাজারে রাধাবল্লভ-তলা।

হাজারি ঠাকুর প্রতিদিন এখানে এই সময়ে ভক্তিভরে প্রণাম করিয়া যায়।

—বাবা রাধাবল্লভ, তোমার চরণে পড়ে আছি ঠাকুর! মনোবাঙ্গা পূর্ণ কোরো। পশ্ম বির ঝাঁটা খেতে আর পারি নে। ঐ কতঁবাবুর হোটেলের পাশে পশ্ম বিকে দেখিয়ে দেখিয়ে যেন হোটেল খুলতে পারি।

হোটলে ফিরিয়া দেখিল রতন ঠাকুর এখনও আসে নাই, পশ্ম বি উন্মুখে আঁচ দিয়া কোথায় গিয়াছে।

বেচু চক্রান্তি দিবানিদ্রা হইতে উঠিয়া বাসা হইতে ফিরিয়াই হাজারিকে ডাক দিলেন।

—শোনো। আজ আমাদের এখানে ক'জন বাবু মাংস খাবেন, ফিষ্টি করবেন, তাঁরা আমায় আগাম দামও দিয়ে গেলেন। যাতে সকাল সকাল চুকে যায় তার ব্যবস্থা করবে। গুঁরা মর্শিদাবাদের গাড়ীতে আবার চলে যাবেন। মনে থাকবে তো? রতন এখনও আসে নি?

হাজারির দঃখ হইল, বেচু চক্রান্তি একথা তাহাকে কেন বলিল না যে, তাহার হাতের রামা খুব ভাল, অতএব সে যেন নিজেই মাংস রাঁধে। কখনও ইহারা তাহার রামা ভাল বলে না সে জানে। অথচ এই রামা শিখিতে সে কি পরিশ্রমই না করিয়াছে!

রামা কি করিয়া ভাল শিখিল, সে এক ইতিহাস।

হাজারির মনে আছে, তাহাদের এড়োশোলা গ্রামে একজন সেকালের

চারিটি ব্রাহ্মণ-বিধবা থাকিতেন, তখন হাজারির বয়স নয়-দশ বছর। রামায় দুধ সাধারণ ধরনের স্দুখ্যাতি নয়, অসাধারণ ধরনের স্দু নামও ছিল।
বাহিরেও অনেক জায়গায় লোকে তাঁর নাম জানিত।

হাজারির মা তাঁকে বলিল—খুড়ীমা, আপনার তো বয়স হয়েছে, কবে চলে যাবেন—আপনার গৃহ আমাকে দিয়ে যান। চিরকাল আপনার নাম করবো।

তিনি বলেন—আচ্ছা তোকে বৌ একটা জিনিস দিয়ে যাবো। কি ক'রে নিরিমিষ চর্চাড়ি রাঁধতে হয় সেটাই তোকে দিয়ে যাবো।

সেই বৃন্দা হাজারির মাকে ওই একটিমাত্র জিনিস শিখাইয়াছিলেন এবং সেই একটি জিনিস রাঁধবার গুণেই, হাজারির মায়ের নাম ও-দিকের আট-দশখানা গ্রামে প্রসিদ্ধ ছিল। শুনিতে অতি সামান্য জিনিস—নিরিমিষ চর্চাড়ি—ওর মধ্যে আছে কি? কিন্তু এ-কথার জবাব পাইতে হইলে হাজারির মায়ের হাতের নিরিমিষ চর্চাড়ি খাইতে হয়।

দুঃখের বিষয় তিনি আর বাঁচিয়া নাই, ও-বৎসর দেহ রাখিয়াছেন।

হাজারি মায়ের রন্ধন-প্রতিভা উত্তরাধিকারসূত্রে লাভ করিয়াছে—মাংস, মাছ সবই রাঁধে ভাল—কিন্তু তার হাতের নিরিমিষ চর্চাড়ি এত চমৎকার যে, বেচু চক্কস্তির হোটেল একবার যে খাইয়া যায়, সে আবার ঘুরিয়া সেখানেই আসে। রেল-বাজারে তো অতগুলো হোটেল রহিয়াছে—সে আর কোথাও খাইবে না।

আজও মাংস রামা রাঁধবার ভার তাহারই উপর পড়িল। খন্দেররা মাংস খাইয়া তারিফও করিতে লাগিল। কিন্তু আসলে তাহাতে হাজারির ব্যক্তিগত লাভ বিশেষ কিছুই নাই—খন্দেরের মদুখের প্রশংসা ছাড়া। পক্ষ্ম ঝি তাহাকে একটা উৎসাহের কথাও বলিল না। বেচু চক্কস্তিও তাই।

অনেক রাতে সে খাইতে বসিল। এত যে ভাল করিয়া নিজের হাতে রামা মাংস, তাহার নিজের জন্য তখন আর কিছুই নাই। বাহা ছিল, কতাবাবু নিজের বাসায় পাঠাইয়া দিয়াছেন। তার পরেও সামান্য কিছু বা অবশিষ্ট ছিল, পক্ষ্ম ঝি চাটিয়া-পুটিয়া লইয়া গিয়াছে।

খাইবার সময় রোজই এমন মৃদুস্বিকল ঘটে। তাহার জন্য
কিছুই থাকে না, এক-একদিন ভাত পর্যন্ত কম পড়িয়া যায়—মাছ,
তো দূরের কথা। বয়স ছ'চল্লিশ হইলেও হাজারি খাইতে পারে।
খাইতে ভালও বাসে—কিন্তু খাইয়া অধিকাংশ দিনই তার পেট ভরে না।

রাত সাড়ে বারোটা। কতাবাবু হিসাব মিলাইয়া চলিয়া গিয়াছেন।
হোটেলে সে আর মতি চাকর ছাড়া আর কেহ রাতে থাকে না। পশ্চিম বি
অনেকক্ষণ চলিয়া গিয়াছে—রাত দশটার পরে সে থাকে না কোনোদিনই।

মতি চাকর বলিল—চলো, ছোট বাজারে যাত্রা হচ্ছে, শুনতে যাবে
বামুনঠাকুর?

—এত রাতে যাত্রা? পাগল আর কি! সারাদিন খেটে আবার ও-সব
সখ থাকে? আমি যাবো না—তুই যাস্ তো যা। এসে ভাঁড়ার ঘরের
জানলায় টোকা মারিস্। দোর খুলে দেবো।

মতি চাকর ছোকরা মানুষ। তাহার সখও বেশী। সে চলিয়া
গেল।

মতি খাইবার কিছুক্ষণ পরে কে একজন বাহির হইতে দরজা ঠেলিল।
হাজারি উঠিয়া গিয়া দরজা খুলিয়া পাশের হোটেলের মালিক খোদ যদু
বাঁড়ুয়াকে দরজার বাহিরে দেখিয়া আশ্চর্য হইয়া গেল। যদু বাঁড়ুয়োর
হোটেলের সঙ্গে তাহাদের রেষারেষি করিয়া কারবার চলে। তিনি এত
রাতে এখানে কি মনে করিয়া? কখনো আসেন না। হাজারির মন সম্ভ্রমে
পূর্ণ হইয়া গেল, যদু বাঁড়ুয়োও একটা হোটেলের কতী, সুতরাং হাজারি
কাছে সেও তার মনিবের সমান দরের লোক, এক রকম মনিবই।

যদু বাঁড়ুয়ো বলিল, আর কে আছে ঘরে?

যদুর আসিবার উদ্দেশ্য বৃদ্ধিতে না পারিয়া হাজারি ততক্ষণ মনে
মনে আকাশ-পাতাল ভাবিতেছিল—বিনীতভাবে বলিল—কেউ নেই বাবু
আমিই আছি। মতি ছিল, ছোট বাজারে যাত্রা—

যদু বাঁড়ুয়ো বলিল—চল ঘরের মধ্যে বসি। তোমার সঙ্গে কথা
আছে।

ঘরের মধ্যে ঢুকিয়া যদু বাঁড়ুয্যে বেচু চক্রান্তর গদিতে বসিয়া একবার.
চারিদিকে চাহিয়া লইয়া বলিল—তুমি এখানে কত পাও ঠাকুর?

—আপ্তে সাত টাকা আর খোরাকী।

—কাপড়-চোপড় দেয়?

—আপ্তে বছরে দু'খানা কাপড়।

যদু বাঁড়ুয্যে কাশিয়া গলা পরিষ্কার করিয়া বলিলেন—শোন, আমার
হোটেলেরে তুমি কাজ করতে যাবে? তোমায় দশ টাকা মাইনে আর খোরাকী
দেবো। বছরে তিনখানা কাপড় পাবে। ধোপা-নাঁপিত, ভেল-তামাক—সব।
যাবে?

হাজারি দস্তুরমত অবাক হইয়া গিয়াছিল। কিছুদ্ধক্ষণ সে কথা বলিতে
পারিল না। তারপর বলিল—বাবু, এখন তো কিছুদ্ধ বলতে পারি নে।
ভেবে বলবো।

—ভেবে বলাবলি আর কি, আমার যে কথা সেই কাজ। তুমি কাল
থেকে এ হোটেল ছেড়ে আমার হোটেলেরে চলো, কাল থেকেই আমি নিতে
রাঁজি। তবে বেচু চক্রান্তর সঙ্গে আমি অস্‌সরস করতে চাই নে। সেও
ব্যবসাদার, আমিও ব্যবসাদার।

হাজারির মাথা যেন ঘুরিয়া উঠিল। কেহ দোঁখিতেছে না তো? পশ্চ
বি কোথাও আড়ি পাতিয়া নাই তো? সে তাড়াতাড়ি বলিল—এখন আমি
কোন কথা বলতে পারবো না বাবু। কাল ভেবে বলবো। কাল রাত্তিরে
এমন সময় আসবেন।

যদু বাঁড়ুয্যে চলিয়া গেল।

হাজারি গাঁজা খায় এ খবর একেবারে মিথ্যা নয়, তবে খায় খুব
সঙ্গেপানে এবং খুব কম। আজ এ ব্যাপারের পরে সে এক কলিকা গাঁজা
না সাজিয়া পারিল না। সংসারে কেহ এ পর্যন্ত তাহাকে ভাল লোক বা
ভাল বলিয়া খাবার সঙ্গে সঙ্গে তাহার পদ্রস্কার দিতে চায় নাই—খন্দেরের
মুখের ফাঁকা কথায় পেট ভরে না তো!

যদুবাবু নিজে বাড়ী বহিয়া আসিয়াছেন, তাহাকে দশ টাকা মাইনর